

書名

卷一百二十

杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷一百二十

內容分類 史·政書·歷代通制

索書號 貴重-17

編號 B3510400



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上總論諸卿
少卿附

太常卿丞奉禮郎主簿 博士
太祝
太醫署
兩京郊社署

太樂署太卜 鼓吹署
太醫署
太公廟等署

光祿卿丞良醞署主簿 掌醢署
太官署
珍羞署

衛尉卿丞守宮署主簿 武庫署
武器署
左右都候

宗正卿丞諸陵署主簿 崇玄署

太僕卿丞典牧署主簿 乘黃署
諸牧監
典廐署

大理卿正司直丞評事監 獄丞

言卿附少卿

杜氏通典卷第一百二十

禮八十古十二纂類十五
大唐開元禮十五

時旱祈太廟

時旱祈太社

時旱祈岳鎮以下於北郊

報祠同

時旱就祈岳鎮海瀆久雨祭祭國門

諸州祈社稷

縣祈附

諸州祈諸神

縣祈附

諸州祭城門

縣祭附

時旱祈太廟

將祈有司卜日如別儀前二日守宮設祈官以下次各於常所右校掃除內外又為瘞埴於北門之內道西方深取足容物前一日諸祈官清齋於廟所諸衛

令其屬哺後一刻各以其方器服守衛廟門奉禮設版位於內外並如常儀設望瘞位於堂之東北當瘞墀西南又設奉禮位於瘞墀東北南向贊者二人在西少退太廟令拂拭神幄又帥其屬以罇坩壘洗篚幕制幣篚入設皆如常儀執罇壘篚幕者各位於罇壘篚幕之後太官令先饌酒哺醢告日未明三刻諸告官以下各服其服太廟令良醞令之屬入實罇壘及幣每室春夏用兩犧罇秋冬用兩者罇一實明水實清酒次之幣以實醴齊次之山壘二一實玄酒為上一白各長一丈八尺未明二刻奉禮帥贊者先入就位贊引引御史博士太廟令宮闈令太祝以下入當階間北面西上立定奉禮曰再拜贊者承傳凡奉禮有詞贊者皆

再拜御史以下皆再拜訖升行掃除於上太廟令以下升自東階入開墀室奉出獻祖以下九室神主各置於座如常儀訖各引就位質明謁者引析官以下俱就門外位謁者引祈官贊引引執事者次入就位立定奉禮曰再拜祈官以下皆再拜謁者進祈官之左白有司謹具請行事退復位太官令出帥進饌陳於東門之外初太官令出諸太祝俱取幣於篚各立於罇所謁者引祈官升自東階詣獻祖廟室戶前北向太祝以幣東向授祈官受進幣北面跪奠於獻祖神座俛伏興出曰北向再拜訖謁者引祈官次進幣於懿祖以下諸室皆如常儀訖謁者引還本位諸太祝

各還罇所太官令引饌入自正門升自太階諸太祝迎引於階上各設神座前訖太官令以下降復位諸太祝各還罇所謁者引祈官詣盥洗盥手洗爵訖升自東階詣獻祖酒罇所執罇者舉幕祈官酌醴齊訖謁者引祈官入詣獻祖神座前北向跪奠爵俛伏與出戶北向立太祝持板進於戶外之右東向跪讀祝文此文為水旱癘疾蝗蟲及訖與祈官再拜太祝進跪奠板於神座前俛伏與還罇所謁者引祈官次詣懿祖以下諸室皆如獻祖之儀惟不盥洗訖謁者引祈官諸東序西向立諸太祝各以爵酌鬯福酒合置一爵一太祝持爵進祈官之左北向立祈官再拜受爵跪

祭酒遂飲卒爵太祝進受爵復於坫祈官俛伏與再拜訖謁者引祈官降復位諸太祝各入室跪徹豆如式與還罇所奉禮曰再拜在位者皆再拜既飲福奉者不拜禮曰再拜祈官以下皆再拜訖謁者進祈官之左白請就望座位贊者轉就座坫東北位謁者引祈官就望座位西向立於祈官將拜諸太祝各執篚進神座前跪取幣與降自太階詣座坫以制幣置於坫訖奉禮曰可瘞東西面各四人寘土半坫謁者進祈官之左白禮畢奉禮贊者還本位御史太祝以下俱復執事位立定奉禮曰再拜御史以下皆再拜贊引引出太廟令太祝宮闈令納神主如常儀其祝板燔於齋

坊若得所祈報祠用太平受昨與時
享同餘與告禮同祭文臨時制撰

時旱祈于太社

將祈有司卜日如別儀行事薦獻與巡狩告社稷禮
並同太社祝文曰維某年歲次月朔日子嗣天子某
謹遣具位姓名敢昭告于太社爰以農功久闕時雨
惟神哀此蒼生敷降靈液以清酌脯醢明薦于太社
以后土勾龍氏配神作主尚嚮大稷祝文同后土氏祝文
曰嗣皇帝某謹遣具位姓名敢昭告于后土氏餘同社
后稷文同得雨菽祠太牢瘞幣血飲福受昨與正祭
同餘與告禮同太社祝文曰往以久闕時雨敢陳情
誠惟神昭祐降茲嘉液率土霑洽蒼生咸賴謹以至
帛清酌醴齊黍盛庶品明薦于太社以后土勾龍氏
配神作主尚嚮太稷后土氏后稷
稷祝文並同每祀座無主帛幣

時旱祈嶽鎮以下於北郊報祠同

將祈有司筮日如別儀就祈及祭同前二日守宮設祈官

以下次於東壝之外道南北向以西爲上設陳饌幔
於內壝東門外道北南向右校掃除壇之内外又爲
瘞埴於壇之壬地方深取足容物前一日諸祈官清
齋於祈所諸衛令其屬晡後一刻各以其方噐服守
衛壝門俱清齋一宿奉禮設祈官位於內壝東門之
內道北執事位於道南每等異位俱重行西面以北
爲上設御史位於壇下西南東向令史陪其後設奉
禮位於祈官西南贊者二人次之少退俱西向北上
設望瘞位於壇之東北西向又設祈官門外位於東

墳之外道南每等異位重行北向以西爲上郊社令
以酒罇入設於位岳鎮海瀆各山罇三山川各罇罇
二每方皆於神座之左俱右向皆布地以置罇設罇洗籠纂
各於其方皆道之左俱內向執罇罇籠纂者位於罇
籠之後其日未明二刻太史令郊社令各服其服設
岳鎮海瀆及諸山川神座各於其方俱內向席皆以
莞設神位各於座首未明一刻諸祈官以下各服其
服郊社與良醞令之屬入實罇罇山罇實以醴齊其明
罇實以泔齊其明
水各實於上罇太祝以幣置於籠設於饌所岳鎮海瀆皆有
幣各依方色俱
一丈太官令帥進饌者實遵豆入設於內壝東門之
外饌幔內奉禮帥贊者先入就位贊引引御史太祝

以下與執罇罇籠纂者入詣南方山川之西南當門
重行北向以西爲上立定奉禮曰再拜贊者承傳御
史以下皆再拜執罇罇籠纂者各就位贊引引御史
以下行掃除如常儀出還齋所奉禮以下次還齋所
質明謁者引獻官以下俱就門外位奉禮帥贊者先
入就位贊引引御史以下入就位謁者引獻官贊引
引執事者次入就位立定奉禮曰再拜獻官以下皆
再拜謁者進獻官之左白有司謹具請行事退復位
奉禮曰再拜在位者皆再拜太祝各取幣於籠以授
獻官獻官受幣詣東岳座諸太祝各奠幣於諸岳鎮
海瀆之座謁者引獻官再拜訖降還本位於獻官初



授幣太官令帥進饌者奉饌陳於東門之外獻官奠幣再拜訖太官令引饌入諸太祝迎引於座首各奠於神座前施設訖太官令以下還本位諸祝各還罇所謁者引獻官詣壘洗盥手洗爵詣東岳酒罇所執罇者舉罇獻官酌酒謁者引獻官進東岳神座前東向跪奠爵與少退東向立初獻官進奠祝史以爵酌酒助奠東鎮以下還罇所太祝持板進於神座之右南面跪讀祝文曰敢昭告于東方岳鎮海瀆爰闕時雨黎元惟懼惟神哀救蒼生敷降嘉液謹以制幣清酌脯醢明薦于東方岳鎮海瀆尚饗太祝與獻官再拜太祝進跪奠板於神座與還罇所獻官再拜謁者

引獻官以次獻諸方嶽鎮海瀆如東方之儀諸方祝文並同

訖謁者引獻官還本位初獻東嶽贊引次引獻官就壘洗盥手洗爵訖詣東方山川酒罇所執罇者舉罇

獻官酌酒訖贊引引獻官進詣東方山川首座前跪

奠爵與少退東向立初獻官奠酒齋即酌酒助奠訖

還罇所祝史持板進於神座之右西向跪讀祝文同

祭祝與獻官再拜跪奠板於神座與還罇所獻官再

拜訖贊引引獻官以次獻諸方山川如東方之儀諸

祝文皆同訖贊引引獻官還本位諸祝各進跪徹豆如式

與還罇所奉禮曰再拜獻官以下皆再拜謁者進獻

官之左白請就壘位謁者引獻官就壘位西向



立於在位者將拜諸太祝各進神座前跪取幣置於
坵奉禮曰可瘞東西廂各二人寘土半坵謁者進初
獻之左白禮畢遂引獻官出贊引引執事者以次出
御史太祝以下俱復執事位立定奉禮曰再拜御史
以下皆再拜贊引引出祝板燔於齋所報祀用牲幣
飲福受昨於
東方岳鎮山川首座之前其山川唯飲福即不受
昨埋幣血與正祭同餘與祈禮同祝文與報社同

時早就祈岳鎮海瀆

前一日諸祈官皆於祈所清齋一宿所司清掃內外
又為埋坵於壇南如常奉禮設祈官位於壇東南執
事者位於祈官東南奉禮位於執事西南贊者二人
在南差退俱西面北上又設太祝奉幣位於瘞坵之

南北向海瀆即設奉幣位向沉所又設祈官以下門外位於南門

之外道東重行西面北上設罇坵壘篚各於常所執
罇壘篚者各位於罇壘之後其日未明祈官以下各

服其服所司帥其屬入設神位及實罇壘如常儀太

祝以幣置於篚幣各依方色長丈八尺掌饌者實籩豆籩一實

醴奉禮帥贊者先入就位贊引引太祝及執罇壘篚

者入當壇南重行北面以西為上立定奉禮曰再拜

贊者承傳太祝以下皆再拜執罇壘者各就位贊引

引太祝升自東陞行掃除於上訖降行掃除於下皆

就位贊明謁者引祈官贊引引執事者俱入就位立

定奉禮曰再拜祈官以下皆再拜其先拜者不拜謁者進祈

官之左白有司謹具請行事退復位奉禮曰再拜在
位者皆再拜初白請行事掌饌者帥進饌者奉饌陳
於東門外祈官拜訖太祝跪取幣於篚以授祈官祈
官奉幣置於神座祈官拜訖降復位掌饌者引饌入
升自南陛太祝迎引於壇上進設於座前設訖掌饌
者以下降復執事位謁者引祈官詣壘洗手洗爵
升自南陛詣酒罇所執事者舉簋祈官酌酒謁者引
祈官進北面跪奠於神座前俛伏興少退北向立太
祝持板進於神座之右東面跪讀祝文曰文與祈社
同岳鎮海
其稱祝興祈官再拜祝進跪奠版於神座興還罇
所祈官拜訖謁者引祈官降復位太祝進跪徹豆如

式還罇所奉禮曰再拜在位者皆再拜謁者進祈官
之左白請就望瘞位謁者引祈官就望瘞位西向立
於在位者將拜太祝進神座前跪取幣置於埽東西
面各二人寘土半埽海濱則以幣沉之奉禮曰再拜祈官以
下皆再拜謁者進祈官之左白禮畢遂引祈官出贊
引引執事者以次出太祝以下俱復執事位立定奉
禮曰再拜太祝以下皆再拜以出奉禮贊者以次出
其祝板燔於齋所得雨報祠用牲其況瘞幣血及
飲福受胙皆與正祭同餘與祈禮
同祝文與北
郊報祠同

久雨祭國門

將祭有司筮日如別儀前一日諸祭官清齋於祭所

右校掃除祭所大官丞先饌酒脯醢醢以其日質明

郊社丞帥其屬設神座皆內向設酒罇各於神座之

左設壘洗及筐於酒罇之左俱內向並實以執罇壘

洗筐者各位於罇壘洗筐之後奉禮設獻官位於壘

洗之左而右向執事者於其後皆以近神為上郊社

丞與良醢之屬實罇壘獻官以下俱就位立定謁者

贊拜獻官以下皆再拜祝與執罇壘筐者各就位太

官丞出詣饌所謁者進獻官之左白有司謹具請行

事退復位太官丞引饌入太祝迎引設於神座前訖

太官丞以下還本位祝還罇所謁者引獻官詣壘洗

盥手洗爵詣酒罇所執罇者舉彙獻官酌酒進神座

前跪奠爵俛伏興少退向歷立太祝持板進於神座

之右跪讀祝文曰維某年歲次月朔日子嗣天子遣

具官姓名昭告于國門霖雨沍久害於百穀惟靈降

福應時開霽謹以清酌嘉薦明告于神尚饗祝興獻

官再拜太祝跪奠板於神座俛伏興還罇所獻官再

拜訖謁者引還本位祝進跪徹豆俛伏興還罇所祝

與執罇壘筐者俱復執事位謁者贊再拜獻官以

下皆再拜謁者進獻官之左白禮畢遂引獻官以

下出每祭皆如之祝板皆燔於齋所若雨止報祠

與祈同祝文曰前日以霖雨式陳誠禱惟神降祉

應時開霽謹以清酌少牢粢盛庶品明薦于神尚

諸州祈社稷縣祈

前二日本司掃除壇之內外又爲瘞垢於壇北如常

設上佐縣則縣丞以下次於社壇西門之外道北隨

地之宜前一日諸祈官皆於祭所清齋一日掌事者

饌酒脯醢設上佐位於稷壇西北掌事以下位於西

門之內道北俱重行東向以南爲上設贊唱者位於

上佐東北東面南上設望瘞位於埋垢北如常設上

佐以下門外位於西門之外道南俱重行南面以東

爲上其日夙興本司帥其屬守社壇四門去壘九十

步縣七步禁斷行人掌事者入設神席罇罍洗每座各一盞豆篚實巾二簣明上佐

幕如常祭之儀每座各一盞豆篚實巾二簣置於壘明上佐

以下各服其服本司帥掌事者入實罇罍洗以祝板

各置於壘又以幣各置於篚設於饌所其幣各長一丈八尺贊

禮者引上佐以下俱就門外位贊唱者先入就位祝

與執罇罍篚者入當社壇北重行南向以東爲上立

定贊唱者曰再拜祝以下皆再拜執罇者各升自西

階立於罇所執罍篚者各就位諸祝詣社壇升自西

階行掃除訖降入詣稷壇升行掃除訖諸祝出奉幣

篚入就瘞垢北位贊禮者引上佐以下入就位立定

贊唱者曰再拜上佐以下皆再拜贊禮者進上佐之

左白請行事還本位贊唱者曰再拜上佐以下皆再

拜初白請行事掌饌者帥執饌者奉饌陳於西門之

外祝以幣授上佐贊者引上佐升壇北陞南向跪奠
於社神座前訖與少退再拜訖復位又祝以幣授上
佐上佐奉幣升稷壇跪奠如社壇之儀訖掌饌者引
饌入社稷之饌升自北階配座之饌升自西階諸祝
迎引於壇上各設於神座前訖掌饌者降自西階復
位諸祝各還罇所贊禮者引上佐詣壘洗盥手洗爵
自社壇北階升詣社神酒罇所執罇者舉幕上佐酌
酒進詣神座前南向跪奠爵與少退南向立祝持板
進於神座之右西面跪讀祝文曰歲月日子如刺史
姓名縣則縣令姓謹遣具位姓名敢昭告于社神自
稷以下祝文尚饗訖與上佐再拜祝進跪奠板於神

座與還罇所上佐再拜跪贊禮者引上佐詣配座酒
罇所取爵於坵執罇者舉幕上佐酌酒進詣后土氏
神座前西向跪奠爵與少退西向立祝持板進於神
座之左南面跪讀祝文尚饗訖與上佐再拜祝進跪
奠板於神座與還罇所上佐再拜訖贊禮者引上佐
降自北階詣壘洗盥手洗爵詣稷壇之北階升獻如
社壇之儀獻訖贊禮者引上佐降復位諸祝各進神
座前跪徹豆與還罇所贊唱者曰再拜上佐以下皆
再拜贊禮者進上佐之左白請就望座位贊者引上
佐就望座位南向立祝以篚進於神前取幣及血黍
稷飯皆寘於坵贊唱者曰可瘞坵東西各二人寘土

半埒贊者進上佐之左白禮畢遂引出諸執事者以
次出諸祝與執罇疊籩者降復執事位贊唱者曰再
拜祝以下俱再拜以出其祝板燔於齋所得雨報祠
祭器之數及飲福受胙瘞幣血皆與正祭同餘與
祈禮同祝文自社稷及后土稷等並與國祈報同

諸州祈諸神附縣祈

前一日日本司設上佐縣則縣丞以下倣此以下次於祈所隨地

之宜又爲瘞埒於神座之南方深取足容物諸祈官

皆於祈所清齋一日掌事饌酒脯醢每座籩豆各一祈日贊

明去祭所七十步縣五步禁止行人上佐以下各服其

服祝帥掌事者奉席入設神座於北廂南向若更有

爲上贊禮者帥執罇者設罇於神座之左北向設洗

於酒罇東北向疊水在洗東籩在洗西南肆籩實以

執罇疊籩者各位於罇疊籩之後設上佐以下位於

神座東南重行西面以北爲上設贊唱者位於上佐

西南西向設望瘞位於瘞埒之南北向西上設門外

位於東門之外道南北向西上掌事者入實罇疊洗

以祝板置於坵又以幣置於籩設於饌所其幣各長一丈八尺

贊禮者引上佐以下俱就門外位贊唱者先入就位

祝與執罇疊籩者入當神座前重行北面西上立定贊

唱者曰再拜祝以下皆再拜執罇疊籩者各就位祝

進神座前行掃除訖贊唱者曰再拜上佐以下皆再

拜贊禮者進上佐之左白請行事還本位贊唱者曰



再拜上佐以下皆再拜初白請行事掌饌者帥執饌者奉饌陳於西門之外祝以幣授上佐上佐受幣跪奠於神座前訖興少退再拜訖復位掌饌者引饌入祝迎引於座前各設於神座首訖執饌者退復位祝還罇所贊禮者引上佐詣壘洗盥手洗爵詣酒罇所執罇者舉罇上佐酌酒贊禮引上佐詣神座前北向跪奠爵興少退北向立祝持板進於神座之右東面跪讀祝文文與祈社同訖與上佐再拜祝進跪奠板於神座興還罇所若更有諸座祈官酌獻皆如去贊禮者引其儀唯不盥手奠祝文與同贊禮者引上佐還本位祝進神座前跪徹豆興還罇所贊唱者曰再拜上佐以下皆再拜贊禮者進上佐之左白請

就望瘞位上佐就望瘞位北面立祝以幣寘於坫坫東西各二人寘上半坫贊引者進上佐之左白禮畢遂引上佐以下出訖祝與執罇壘籥者俱復執事位贊唱者曰再拜祝以下皆再拜其祝版燔於齋所若海瀆等其幣沉之設奉幣位各於祈所之水沉之時節一與瘞同若祈先代帝王其瘞幣如正祭之禮得雨報祠牢饌飲福受胙瘞幣血皆同祭社之禮若岳鎮海瀆先代帝王唯飲福不受胙其瘞坫之位仍依祈禮若海瀆等沉幣又并沉血位及沉之時節惟祈沉之禮若報祠先餘皆與祈禮同祝文與祈社同代帝王埋幣與祈同

諸州祭城門縣祭附

若霖雨不止祭祭城門設神座皆內向設瓢齋之罇各於神座之左設壘洗及篚於酒罇之左俱內向設

司功縣尉位於壘洗之左而右向執事者位於其後
皆以近神爲上贊禮者贊拜無幣不爲瘞罔餘與辨
諸神同祝文曰維某年歲次月朔日子刺史姓名縣
縣各遣具位姓名昭告于城門霖雨淹久害於百穀
惟靈降福應時開霽謹以清酌嘉薦明告于城門尚
饗若雨止報祠用特牲飲福餘與祭同祝曰前以霖
雨式陳誠禱惟靈降祉應時開霽餘同上

杜氏通典卷第一百二十一終

杜氏通典卷第一百二十一

禮八十一吉十三象類十六
大正開元禮十六

諸州祭社稷諸縣祭
社稷附

諸州釋奠於孔宣父縣釋
奠同

州學生束脩縣禮同

諸里祭社稷

諸太子廟時享齊戒 陳設 晨裸

三品以上時享其廟四品五品六
品以下附

三品以下祫享其廟禘享
附

王公以下拜掃寒食
附

諸州祭社稷諸縣祭
社稷附